

虚受堂前汉书补注

王莽傳第六十九上

漢書九十九

漢 蘭 臺 令 史班 固 撰

唐正議大夫行秘書少監琅邪縣開國子顏師古注

賜進士出身前翰林院編修國子監祭酒加三級 王先謙補注

王莽字巨君孝元皇后之弟子也元后父及兄弟皆呂元成世封

侯居位輔政家凡九侯五太司馬語在元后傳師古曰外戚傳言十侯此云九侯以

鳳本嗣禁為侯補注齊召南曰案外戚及元后傳言十侯自元后親屬計之并數定陵侯淳于長也此專言王氏故云九侯周壽昌

曰外戚傳云家凡十侯此云九侯益知淳于長之不能與也先謙曰官本南監本注九侯作九者 唯莽父曼蚤死

不侯師古曰蚤古早字 莽羣兄弟皆將軍五侯子乘時侈靡師古曰乘因也

時補注先謙曰官本注戚作盛是 呂輿馬聲色佚游相高師古曰佚字與逸同 莽獨孤貧因

折節為恭儉受禮經師事沛郡陳參勤身博學被服如儒生師古曰被

音皮 義反 事母及寡嫂養孤兄子行甚敕備師古曰敕整也 又外交英俊內事

諸父曲有禮意陽朔中世父大將軍鳳病師古曰謂伯父也以居長嫡而繼統也葬

侍疾親嘗藥亂首垢面不解衣帶連月鳳且死曰託太后及帝拜

為黃門郎遷射聲校尉久之叔父成都侯商上書願分戶邑曰封

莽及長樂少府戴崇侍中金涉胡騎校尉箕閔上谷都尉陽竝中

郎陳湯皆當世名士咸為莽言上由是賢莽永始元年封莽為新

都侯國南陽新野之都鄉千五百戶遷騎都尉光祿大夫侍中宿

衛謹敕爵位益尊節操愈謙散輿馬衣裘振施賓客師古曰家無振舉也

所餘收贍名士交結將相卿大夫甚眾故在位更推薦之師古曰更音工

衡反游者為之談說虛譽隆洽傾其諸父矣敢為激發之行處之不

慙慙師古曰激急動也慙愧也激音工慙反慙音女六反莽兄永為諸曹蚤死有子光莽使

學博士門下莽休沐出振車騎師古曰振整也奉羊酒勞遺其師

恩施下竟同學師古曰竟周徧也諸生縱觀長老嘆息光年小於莽子宇

葬使同日內婦賓客滿堂須臾一人言太夫人苦某痛當飲某藥

比客罷者數起焉師古曰比音必寐反數音所角反為私買侍婢補注先謙曰官本南監本為作

是嘗昆弟或頗聞知葬因曰後將軍朱子元無子師古曰謂朱博葬聞此兒

種宜子師古曰此兒謂所買婢也為買之即日曰婢奉子元其匿情求名如此

是時太后姊子淳于長曰材能為九卿先進在葬右師古曰名位居其右在前

也葬陰求其罪過補注先謙曰官本陰作因因大司馬曲陽侯根白之長伏誅

葬曰獲忠直語在長傳根因乞骸骨薦葬自代上遂擢為大司馬

是歲綏和元年也年三十八矣葬既拔出同列繼四父而輔政師古

曰鳳商音根四人皆為大司馬而葬之諸父也欲令名譽過前人遂克己不倦聘諸賢良

補注宋祁曰聘諸當作聘請曰為掾史賞賜邑錢補注先謙曰邑錢謂國邑賦入悉曰享士愈

為儉約母病公卿列侯遣夫人問疾葬妻迎之衣不曳地布蔽膝

補注沈欽韓曰方言蔽鄴江淮之間謂之禕或謂之被魏宋南楚之閒謂之大巾自關東西謂之蔽鄴齊魯之郊謂之柶釋器衣蔽

前謂之襜褕注今陳祥道禮書劉熙曰鞞以蔽前婦人蔽膝亦如之
唐志婦人蔽膝皆如其夫案隋志乘輿及公卿冕服者鞞隨裳色
玄衣纁裳則爵鞞若通天冠遠遊冠絳紗袍朝服絳紗單衣者並
絳紗蔽膝皇后六服俱絳紗蔽膝然則禮服仍存鞞鞞之名常服
則蔽見之者曰爲僮使問知其夫人皆驚輔政歲餘成帝崩哀帝
膝也

卽位尊皇太后爲太皇太后太后詔莽就第避帝外家莽上疏乞
骸骨哀帝遣尙書令詔莽曰先帝委政於君而棄羣臣朕得奉宗

廟誠嘉與君同心合意今君移病求退師古曰移書言病也曰著

朕之不能奉順先帝之意師古曰著明也朕甚悲傷焉已詔尙書待君奏

事又遣丞相孔光大司空何武左將軍師丹衛尉傅喜白太后曰

皇帝聞太后詔甚悲大司馬卽不起皇帝卽不敢聽政太后復令

莽視事時哀帝祖母定陶傅太后母丁姬在高昌侯董宏上書言

春秋之義母以子貴丁姬宜上尊號莽與師丹共劾宏誤朝不道

語在丹傳後日未央宮置酒內者令爲傅太后張幄坐於太皇太

后坐旁

師古曰坐竝音材臥反

莽案行責內者令曰定陶太后藩妾何呂得

與至尊竝徹去更設坐傅太后聞之大怒不肯會重怨恚莽

師古曰會

謂至置酒所也重音直用反

莽復乞骸骨哀帝賜莽黃金五百斤安車駟馬罷

就第公卿大夫多稱之者上乃加恩寵置使家中黃門

蘇林曰使黃門在其

家中為使令補注沈欽韓曰置專使侯家中黃門為十日一賜餐也六典凡宦人無官品者稱內給使杜甫詩黃門飛鞚不動塵御

厨絡繹送入珍意蓋本此蘇說非

十日一賜餐下詔曰新都侯莽憂勞國家執義

堅固朕庶幾與為治太皇太后詔莽就第朕甚閔焉其呂黃郵聚

戶三百五十益封莽

服虔曰黃郵在南陽棘陽縣補注宋祁曰郵說文曰郵境上行書舍也倉頡篇曰郵過書

之官也廣雅云驛也益封莽別本越本無莽字先謙曰黃郵聚見清水注地名也宋釋郵義誤

位特進給事中朝

朔望見禮如三公

師古曰見天子之禮也見音胡電反

車駕乘綠車從

師古曰綠車皇孫之車天

子出行令莽乘之以從所以寵也

後二歲傅太后丁姬皆稱尊號丞相朱博奏莽

前不廣尊尊之義抑貶尊號虧損孝道當伏顯戮幸蒙赦令不宜

有爵士請免為庶人上曰已莽與太皇太后有屬勿免遣就國莽

杜門自守其中子獲殺奴師古曰獲者莽子之名也今書本有作護字者流俗所改耳莽切責

獲令自殺在國三歲吏上書冤訟莽者已百數師古曰言其合管朝政不當就國也

補注宋祁曰吏字下當有民字元壽元年日食賢良周護宋崇等對策深頌莽功

德上於是徵莽始莽就國南陽太守已莽貴重選門下掾宛孔休

守新都相師古曰姓名休宛縣人休謁見莽莽盡禮自納休亦聞其名與相

答後莽疾休候之莽緣恩意進其玉具寶劍欲已為好師古曰結歡好也音

呼到反休不肯受莽因曰誠見君面有癥師古曰癥創痕也痕音下恩反美玉可已

滅癥欲獻其琢耳補注宋祁曰耳字當刪即解其琢服虔曰琢音衛蘇林曰

作琢從王彘聲後轉寫者訛也琢自雕琢字耳音彘也補注沈欽

韓曰攷工記玉人注琢文飾也說文琢劍鼻也說苑善說篇襄城

君帶玉琢劍案琢為文飾若桓圭信圭之類琢劍鼻者即劍鐔先謙曰官本注作琢作彘音彘作音琢南監本作音彘是休復辭讓莽曰君嫌其賈耶師古曰賈讀曰價遂椎碎之師古曰椎音直追反

其字從木自裹呂進休休乃受及莽徵去欲見休休稱疾不見補注沈欽韓曰

後書卓茂傳休字子泉王莽秉權休去官歸家及莽篡位遣使齎

之甄明莽還京師歲餘哀帝崩無子而傅太后丁太后皆先薨太皇

太后即日駕之未央宮收取璽綬遣使者馳召莽詔尚書諸發兵

符節百官奏事中黃門期門兵皆屬莽莽白大司馬高安侯董賢

年少不合眾心收印綬賢即日自殺太后詔公卿舉可大司馬者

大司徒孔光大司空彭宣舉莽前將軍何武後將軍公孫祿互相

舉補注錢大昕曰公卿表何武傳俱太后拜莽為大司馬與議立

嗣安陽侯王舜莽之從弟其人修飭師古曰飭讀與太后所信愛

也莽白呂舜為車騎將軍使迎中山王奉成帝後是為孝平皇帝

帝年九歲太后臨朝稱制委政於莽莽白趙氏前害皇子傅氏驕

僭遂廢孝成趙皇后孝哀傅皇后皆令自殺語在外戚傳莽以大

司徒孔光名儒相三主太后所敬天下信之於是盛尊事光引光

女婿甄邯為侍中奉車都尉諸哀帝外戚及大臣居位素所不說

者師古曰說讀曰悅莽皆傳致其罪師古曰傳讀曰附附益而引致之令入罪為請奏令邯持

與光光素畏慎不敢不上之莽白太后輒可其奏於是前將軍何

武後將軍公孫祿坐互相舉免丁傅及董賢親屬皆免官爵徙遠

方紅陽侯立太后親弟雖不居位莽曰諸父內敬憚之畏立從容

言太后令已不得肆意師古曰肆放也補注先謙曰官本南監本無此注乃復令光奏立

舊惡前知定陵侯淳于長犯大逆罪多受其賂為言誤朝師古曰妄稱譽

之誤惑朝廷也後白曰官婢楊寄私子為皇子眾言曰呂氏少帝復出紛

紛為天下所疑難曰示來世成繼祿之功請遣立就國太后不聽

莽曰今漢家衰比世無嗣師古曰比類也太后獨代幼主統政誠可畏懼

力用公正先天下尚恐不從師古曰力勉力今曰私恩逆大臣議如此羣

下傾邪亂從此起宜可且遣就國安後復徵召之

師古曰安猶徐也補注先謙曰

通鑑胡注安定也安後猶言事定後也何焯云安後謂國家少安之後顏注非先謙案二說並通

太后不得已遣

立就國莽之所曰脅持上下皆此類也於是附順者拔擢忤恨者

誅滅王舜王邑為腹心甄豐甄邯主擊斷平晏領機事劉歆典文

章孫建為爪牙

補注周壽昌曰傅介子等傳贊云孫建以威重顯游俠傳王莽素善強弩將軍孫建建匿漕中叔莽

性果賊無所容忍然重建竟不問建仕莽至立國將軍成新公莽欲以其女平帝后改稱黃皇室主者嫁建之子其寵任可知豐

子尋歆子棻

師古曰棻或作搯字音扶云反

涿郡崔發南陽陳崇皆曰材能幸於

莽莽色厲而言方

師古曰外示凜厲之色而假為方直之言補注先謙曰官本方作之引宋祁曰而言之當作而

言方先謙案南監本作方

欲有所為微見風采

師古曰見音胡電反

黨與承其指意而顯

奏之莽稽首涕泣固推讓焉上曰惑太后下用示信於眾庶始風

益州令塞外蠻夷獻白雉

師古曰風讀曰諷下皆類此

元始元年正月莽白太

后下詔曰白雉薦宗廟羣臣因奏言太后委任大司馬莽定策安

宗廟故大司馬霍光有安宗廟之功益封三萬戶疇其爵邑比蕭

相國莽宜如光故事太后問公卿曰補注宋祁曰問字上當有召字誠曰大司馬

有大功當著之邪師古曰將呂骨肉故欲異之也於是羣臣乃盛

陳莽功德致周成白雉之瑞千載同符聖王之法臣有大功則生

有美號故周公及身在而託號於周補注先謙曰官本託作記南監本仍作託莽有定

國安漢家之大功宜賜號曰安漢公益戶疇爵邑上應古制下準

行事補注劉敞曰行事即已行之事先謙曰行事猶言故事古制謂周公故事指霍光呂順天心太后詔

尚書具其事莽上書言臣與孔光王舜甄豐甄邯共定策今願獨

條光等功賞復置臣莽勿隨輩列甄邯白太后下詔曰無偏無黨

王道蕩蕩師古曰尚書洪範之言也蕩蕩廣平之貌也故引之屬有親者義不得阿君有安

宗廟之功不可以骨肉故蔽隱不揚君其勿辭莽復上書讓太后

詔謁者引莽待殿東箱莽稱疾不肯入太后使尚書令恂詔之曰

君曰選故而辭曰疾師古曰選善也國家欲褒其善加號疇邑乃以疾辭君任重不可闕曰

時亟起師古曰亟急也音居力反莽遂固辭補注先謙曰遂猶竟也太后復使長信太僕

閔承制召莽莽固稱疾左右白太后宜勿奪莽意但條孔光等莽

乃肯起太后下詔曰太傅博山侯光宿衛四世世為傅相忠孝仁

篤行義顯著建議定策益封萬戶曰光為太師與四輔之政師古曰與

讀曰車騎將軍安陽侯舜積累仁孝使迎中山王折衝萬里功德

茂著益封萬戶曰舜為太保左將軍光祿勳豐宿衛三世忠信仁

篤師古曰篤厚也使迎中山王輔導共養曰安宗廟師古曰共音居用反養音弋亮反封

豐為廣陽侯食邑五千戶曰豐為少傅皆授四輔之職疇其爵邑

各賜第一區侍中奉車都尉邯宿衛勤勞建議定策封邯為承陽

侯食邑二千四百戶師古曰承音蒸補注先謙曰官本二作三四人既受賞莽尚未起

羣臣復上言莽雖克讓朝所宜尊曰時加賞明重元功無使百僚

元元失望太后乃下詔曰大司馬新都侯莽三世為三公典周公

之職建萬世策功能為忠臣宗補注先謙曰官本南監本能作德化流海內遠人

慕義越裳氏重譯獻白雉補注宋祁曰熙寧監本越本無裳字其曰召陵新息二縣

戶二萬八千益封莽復其後嗣疇其爵邑師古曰復音方曰反封功如蕭相

國補注宋祁曰邵本云封加如蕭相國劉敞曰封字衍曰莽為太傅幹四輔之事號曰安漢

公曰故蕭相國甲第為安漢公第定著於令傳之無窮於是莽為

惶恐不得已而起受策補注蘇輿曰為偽同策曰漢危無嗣而公定之四輔

之職三公之任而公幹之羣僚眾位而公宰之功德茂著宗廟曰

安蓋白雉之瑞周成象焉師古曰言莽致白雉之瑞有周公相成王之象故賜嘉號曰安

漢公輔翼于帝期於致平師古曰致太平毋違朕意莽受太傅安漢公號

讓還益封疇爵邑事云願須百姓家給然後加賞師古曰給足也家給家家自足

補注先謙曰官本注自作給羣公復爭太后詔曰公自期百姓家給是曰聽之

其令公奉舍人賞賜皆倍故

師古曰奉所食之奉也舍人私府吏員也倍故數多於人各一倍也奉音

扶用反補注先謙曰官本注於下人作故是

百姓家給人足大司徒大司空呂聞莽復

讓不受而建言宜立諸侯王後及高祖呂來功臣子孫大者封侯

或賜爵關內侯食邑然後及諸在位各有第序上尊宗廟增加禮

樂下惠士民鰥寡恩澤之政無所不施

補注何焯曰上尊宗廟謂奏尊元帝廟為高宗以詔

惑太后下施恩澤以明自言願須百姓家給非空言飾讓示信眾庶也

語在平紀莽既說眾庶

師古曰說

讀曰悅補注錢大昭曰庶南監本閩本作意先謙曰官本作意

又欲專斷知太后馱政乃風公卿

師古曰風讀曰諷

奏言往者使呂功次遷至二千石及州部所舉茂材異

等吏率多不稱宜皆見安漢去又太后不宜親省小事令太后下

詔曰皇帝幼年朕且統政比加元服

師古曰比至平帝加元服以來太后且統政也比音必寐

反補注宋祁曰元服下當有者字

今眾事煩碎朕春秋高精氣不堪殆非所呂安

躬體而育養皇帝者也故選忠賢立四輔羣下勸職永呂康寧孔

子曰巍巍乎舜禹之有天下而不與焉

師古曰論語載孔子之言也巍巍高貌也言舜禹之

治天下委任賢臣以成其功而不身親其事也與讀曰豫

自今呂來非封爵乃呂聞

補注先謙曰非字誤

官本南監本作惟

他事安漢公四輔平決州牧二千石及茂材吏初除奏

事者輒引入至近署對安漢公考故官問新職呂知其稱否於是

莽人人延問致密恩意厚加贈送其不合指顯奏免之權與人主

侔矣莽欲曰虛名說太后

師古曰說讀曰悅

白言親承前孝哀丁傅奢侈

之後百姓未贍者多太后宜且衣縮練頗損膳呂視天下

師古曰縮練謂

帛無文者視讀曰示

莽因上書願出錢百萬獻田三十頃付大司農助給貧

民於是公卿皆慕效焉莽帥羣臣奏言陛下春秋尊久衣重練減

御膳誠非所曰輔精氣育皇帝安宗廟也臣莽數叩頭省戶下白

爭未見許今幸賴陛下德澤間者風雨時甘露降神芝生蓂莢朱

草嘉禾休徵同時竝至

師古曰休美也徵證也

臣莽等不勝大願願陛下愛

精休神闊略思慮

師古曰闊寬也略簡也

遵帝王之常服復太官之法膳

補注

先謙曰官本太作大

使臣子各得盡驩心備共養唯哀省察莽又令太后下

詔曰蓋聞母后之義思不出乎門閼

師古曰閼門楨也音域補注宋祁曰監本無門字沈欽韓

曰列女傳孟子母曰婦人有閨內之修而無境外之志

國不蒙佑皇帝年在緹襍未任親政

戰戰兢兢懼於宗廟之不安國家之大綱微朕孰當統之

師古曰微無也

是已孔子見南子周公居攝蓋權時也

師古曰南子衛靈公夫人孔子欲說靈公以治道故

見南子也勤身極思憂勞未緩故國奢則視之已儉

師古曰視讀曰示補注王文彬曰語

見禮記檀弓

矯枉者過其正而朕不身帥將謂天下何夙夜夢想五穀

豐孰百姓家給比皇帝加元服委政而授焉

師古曰比音必寐反

今誠未皇

于輕靡而備味

師古曰皇暇也靡細也

庶幾與百僚有成其勗之哉

師古曰勗勉也

每有水旱莽輒素食

師古曰素食即菜食也解在霍光傳

左右已白太后遣使者詔

莽曰聞公菜食憂民深矣今秋幸孰公勤於職已時食肉愛身為

國莽念中國已平唯四夷未有異乃遣使者齎黃金幣帛重賂匈

奴單于使上書言聞中國譏二名補注沈欽韓曰公羊定六年傳曷為謂之仲孫忌譏二名二名

非禮也何休云為其難諱也故名囊知牙斯今更名知慕從聖制又遣王昭君

女須卜居次入侍所呂誑耀媚事太后下至旁側長御方故萬端

莽既尊重欲呂女配帝為皇后呂固其權奏言皇帝即位三年長

秋宮未建液廷媵未充師古曰液與掖同音通用補注先謙曰官本通上有古字二字乃者國家

之難本從亡嗣配取不正請考論五經定取禮師古曰取皆讀曰娶正十二

女之義補注沈欽韓曰列女傳天子十二諸侯九大夫三士二檀弓注舜但三妃夏后氏增以三三而九合十二人春秋說

云天子取十二即夏制也呂廣繼嗣博采二王後及周公孔子世列侯在長安

者適子女師古曰適讀曰嫡謂妻所生也補注先謙曰官本生下有女字事下有司上眾女名王

氏女多在選中者莽恐其與己女爭即上言身亡德子材下不宜

與眾女竝采太后呂為至誠乃下詔曰王氏女朕之外家其勿采